

5476.3/83B

~~6101~~ 6

HARVARD COLLEGE LIBRARY
FROM THE
HARVARD-YENCHING
INSTITUTE
FEB 1 1932

~~5531.3203~~



御製詩初集卷之七

古今體一百十九首

辛酉

九月初一日迴鑾至博羅河屯見菊花

盛開

幾種金英傍砌隈臨風恰迓翠華迴寒香盈
把陪青案素萼搖姿點綠苔宸愛三秋經雨
洗是日定知重九冒霜開何曾王勃工詩句
朶朶都擎送客杯

避暑山莊行宮懷舊



離宮對碧岑峭石聳成林壁有曾題字庭餘
獨樹陰簾帷秋日靜彝鼎篆烟沉况是承
恩地能無憶舊心

幻塵同夢鹿佳境似遊仙帆影留雲在江聲

共月懸雲帆月舫月色江聲綠牕蛛織網粉

壁鳥啣鈿迴首驚心處流陰忽廿年

九月初三日熱河見荷花

霞衣猶耐九秋寒翠蓋敲風綠未殘應是香
紅久寂寞故留冷豔待人看

前朝見菊黃無綠今日看荷紫帶紅夏卉秋
葩渾不辨一齊搖曳晚風中

獅子園即事

避暑山莊之北有獅子嶺嶺下建園因
以獅子名

皇考藩邸時扈

駕來此所居之

賜園也乾隆六年秋八月因塞外行園迴道

至此曷勝趨

庭之感即事書懷爰成長律

憶昔趨

庭日重經避暑園壁題餘

手澤孺慕想

親恩閱歲階梧古丁年書室存塵生煮茗具
茵茁玩花軒巡狩今方始梧捲此重捫無從
窺領膩莫可展冬溫永念

劬勞至空驚日月奔徘徊瞻碧落神愴向誰
言

妙高堂

虛堂構峰巔叢樾羊腸繞平臨出岫雲俯視
歸林鳥百里如目前溪壑殊了了庭饒白鹿
遊塵借清風掃我來已深秋萬木丹黃老身
依泉石間興寄煙霞表

法林寺戲題

書齋禪室杳然清午靜時聞鐘磬聲此日經
過重想像當年佔俾一儒生

荷花謝疊前韻

御製詩初集 卷十
數日餘芳傲晚寒經霜今曉乍凋殘元都觀
裏春風面只許劉郎一度看
離披殘蓋全消綠寥寥寒葩不剩紅水月鏡
花觀幻色清歌一曲御湖中

恭和

皇祖聖祖仁皇帝御製避暑山莊三十六景

詩

乾隆六年秋命駕出口北巡藏事言旋
道經避暑山莊撫今追昔情不能已向

於雍正戊申曾敬跋圖記用述

聖恩高厚今身歷其地彌切

音容如昨之感受恭和

御製避暑山莊三十六景詩原韻以誌孫臣
思慕之忱與歲並增耳

烟波致爽

時和逢歲稔烽靜絕邊譁蒐狩三秋舉登臨
萬壑嘉楓黃接雁塞霜白點龍沙迴蹕遊仙
地空庭遍野花幾多今昔感無那歲年賒露

後集詩卷一
寒笳
砌飄殘葉秋籬綴晚瓜蛩音驚短夢宵韻起

祖制今猶烈金吾漫憶家

芝逕雲隄

六飛迴轡拍金闕離宮故館茲停歇蕭齋乍
啓舊牕檣蘭若重尋古碑碣銀鈎鐵畫覩
璇題趙肥董弱無筋骨寂寥帷幔掛珊瑚歌
斜几席巢蛇蠍因思廿載倏流陰電光石火
無踰疾苔封石鼎香無煙惟有金颺蕩寒樾

旋步雲隄憶夙遊倚吟轉覺逸興發丹黃四
面展畫屏一幅闕仝色乍設寒林窮處忽成
峰彷彿如登秦麓東山葩野卉難爭豔五株
疑是秦時松郊原秋景尤堪望比櫛崇墉萬
戶同祈年詎異當年志長願田疇歌屢豐大
德曰生恩惠洽道之猶足泣羣工金湯禮義
足防隄懸橦度索聲教齊利我後人猶賴
澤敷天雨露蘇黔黎久安蒙業詎宜恃千秋
金鑑垂圖史紹武常懷乾惕衷敢云王化寧

徒樂詩補集 卷一
遐邇日暮歸來獨倚樓撫今追昔增淒愁歡
娛但覺春風暖宵旰誰知午夜憂裁詩聊當
銘座右願言治理虛心求繼繩
祖武懼不逮惟應此志萬千秋

無暑清涼

一縷遙循隄徑長松軒月榭暫徊徨苔紋千
點萬點綠菊蕊三枝五枝芳自是洞天無處
覓祇餘元圃可相方根塵久悟風旛旨題句
還如蝶夢莊

延薰山館

偶撫虞琴山館靜祝融未覺暑頭銜萬方樂
利

心胷內解愠何須更脫衫

水芳巖秀

巖秀據良靈水芳擅坤厚即此溪壑伴何必
稱牛首緬懷智者樂願效仁者壽茲地可會
心亭軒建已久澄流遶其前巖峯羅厥後仙
壺常與秘無乃神人剖

璇題猶在簷

奎文麗星斗顏柳步後塵張王謝敏手

明訓垂日月所惡在旨酒紹

庭志雖殷繼武吾何有

萬壑松風

猶是當時傲雪青重開軒閣俯溪汀廿年未

識門墻與長憶文筵獨

授經

萬壑松風予當年扈
賜居云

松鶴清越

白鶴志猶潔蒼松獨後凋景仰

終身慕詎止溫清調

松鶴清越當時奉
皇太后居於此

雲山勝地

黃雲近壠復遐阡想像豐年入頌箋二十年

來衣食足黔黎猶戴

聖恩宣

四面雲山

攀躋步崇嶺摩詰畫中詩岑壑依然在川原
望裏竒重來猶切切欲去更遲遲孤鶴唳層

嶽孫梧擢老枝苔紋迷近砌
鹿跡印斜歧座
靜來青黛牕虛浸曲池懷
恩常撫蹟憶昔更含悲當日
乾乾意身肩始得知

北枕雙峰

欲排雲霧叩仙闕咫尺羅天即
此山却喜晴
明聊縱目灤河如帶一灣灣

西嶺晨霞

翔陽騰曉海門東似颭紅旗錦
颺風何必暮

山誇返照試看西嶺畫屏中

錘峯落照

獵罷途經羽蓋留錘峯落日正
深秋白雲紅
樹參差處疑有寒山結宇幽

南山積雪

芙蓉十二列峯容最喜寒英綴
古松此景祇
宜詩想像留觀直待到深冬

梨花伴月

誰道邊關外春時亦有花寒香
雪添豔淡影

月增嘉雅稱峰頭雨何湏谷口霞塗山千萬
樹踪跡漫相誇

曲水荷香

當年

睿志尚高清非慕濂溪癖愛名重憶瓊筵陪
色笑金匙常飽手調羹

風泉清聽

物物都歸大造心風泉亦解奏清吟熙和六
十一年化編簡猶垂

雅頌音

濠濮間想

曾聞古衲子問師覓心安我是無心客轉覺
會心難

天宇咸暢

調萬斯年曲

琪樹瓊田封陟居元君駐駕玩清虛旋促鶴
御返瑤池別離初神仙侶曾訴幽情立烟嶼
暖溜暄波

靈泉清泚滌煩疴功德由來利物多况是御

御製詩集 卷十
園分惠澤祇今猶頌澗瀍歌

泉源石壁

泉源丹嶠側石壁玉河隈汀雁人為字岩屏
衣是苔雲心原不繫水鏡豈湏才緬想無為
治巍巍造化該

青楓綠嶼

遊豫諸侯度非闕玩物華山莊幽事足林塢
鳥聲譁列嶼仍含黛經霜想作霞羣生被
苞育微木揔清嘉

鶯囀喬木

再歷仙居遊似夢重瞻
睿作筆如杠靈臺却在榆關外博望無勞更
出駝

香遠益清

調柳梢青

俯弄清漪平臨錦繡淨植含竒華嶽峰頭西
施湖畔幽豔誰知秋來老榦差差芳菲歇造
物無私詩擬丰標圖摹體態多少便宜

金蓮映日

輝煌麗曉日璀璨映重臺布地黃金滿祇園
此處開

遠近泉聲

飛流疑掛玉濺沫似噴珠舊識題崖字於今
半有無

雲帆月舫

調太平時

鎮倚朱欄看翠濤壓金鰲層樓十二薄璇霄
好抽毫與物皆春民共樂舞韶簫宇宙泰和
一人德地天交

芳渚臨流

池如明鏡草如茵澆爵時看泳錦鱗自是天
心樂育物花香鳥語揔怡神

雲容水態

水態溪邊尚爾雲容天際猶存夢裏春音世
遠身沐

恩波我原

澄泉遶石

不必棟稱玉偏誇茨是茅石泉迴綠野草木

遍青郊溪漲魚添子春深燕補巢琅玕刻畫
處猶有兩三梢

澄波疊翠

月上池開鑑風來水弄文千秋垂
睿藻烟翠共氤氳

石磯觀魚

重把青竿坐釣磯閒看溪鳥掠波飛漁歌漫
憶吳江水絕勝鱸魚秋後肥

鏡水雲岑

古樹迷離翠嶂秋波澄澈寒潭盡舫渡人溪
北虛牕留客軒南楓葉榭葉紛錯松枝竹枝
差叅

宸章千載猶爛妙理萬象都函

雙湖夾鏡

卧波新綠帶痕齊那數餘杭蘇氏隄把筆試
吟廿年事秋風黃葉不堪題

長虹飲練

武夷帳幄列雲崖為有虹橋可作階此日遊

仙重容與溪聲猶奏絲琴諧

莆田叢樾

緬想雍熙治

深恩被閭閻太平無氣象只向萬民占

水流雲在

秋水與天澄行雲倒浦凝撫今還憶昔乾惕
寸衷增

九月九日為大學士張廷玉七旬壽日
時朕出口未迴詩以賜之

歷掌絲綸佐斗樞心依行在想晨趨

時大學士承朕

命在朝總理諸務

宸欣佳節當初度要識元衡半老

儒潞國晚年尤矍鑠呂端大事不糊塗緘詩

並寄黃花酒看取灩灩湛湛露濡

重陽日喀喇河屯行宮侍

皇太后登逍遙樓

禕鞠雲凝瑞靄光離宮侍

輦值重陽檻臨平楚嵐煙淡牕入遙峯樹色

蒼遠墅幾家荒柴閉小橋獨木野流長宸欣

度節邊關外也有黃花獻
壽觴

野菊

野菊小於鈴依依傷砌庭知時舒晚豔為客
發幽馨洗濯曾經雨叅差似列星詩情無盡
意緣此暫留停

曉行

薄霧遙封迷客路樹紅雲白暮秋時鳴鞭未
覺行來遠兩岸蒼山叫畫眉

古寺

蘭若依然水石幽層層屏嶂俯清流苔封古
塔全身現塵閤禪房半偈留鳥去山林餘暮
靄客來時節正深秋如如色相如如在重費
閣黎苦募脩

曉日

曉日光寒白露淒馬蹄藉草不沾泥炊烟細
裊村帘外殘月猶懸嶺樹西塞上山川皆盡
意途中風景盡詩題楓林沙坂經行處不數

蘇公十里堤

雨

山雨曉廉纖詩情觸目拈憑將遙黛洗微覺
峭寒添瀼瀼由歸轡溟濛下細簾白雲纔散
處露出數峰尖

冷

地近邊關煖霜催節候寒却饒秋草綠間有
早楓丹雁字依南寫龍堆直北看平蹊堪策
騎十里軟沙乾

入古北口

羽蓋駸駸度玉關三秋巡狩薄言還愛看綠
麥鋪平甸漫憶黃羊遍塞山

即事

嵐氣依山素練橫朝曦忽射一川明人衝曉
霧逶迤去馬踏寒郊篤速行村落幾家茆舍
靜野流數處板橋平錦江詩句河陽筆風景
重看生面呈

題攬勝軒

迴鑿經梵宇駐蓋憇閒庭鳥語留人坐爐烟
傷客馨徑幽仍隱綠牕啓乍來青莫漫尋陳
跡空花悟色形

迴鑿作

榆柳青青驛路寬新黃舊綠解迎鑿却思塞
上風霜景似展闕全畫裏看

石槽行宮對月

殘靄全收晚景妍踈楊影裏漏蟬娟詩因望
夕清添興光到深秋皎徹天別院初迴飛蓋

駐行營兩見皓輪圓何殊上苑憑吟處桂子
風微夜未眠

鷹

鷲鳥鳥中傑羽翰利且便其在山林中食肉
而飲泉飛止任厥性擊搏無留難一朝落羈
鞬人乃司柄權養翎湏以時食飲毋或愆精
銳乃奮厲矯翼雲霄盍如鵬飛北溟萬里扶
搖寬鷹師苟非良飼養失其天飢乏片肉餐
困憊臂右肩搯縱復失術弱翅凌風旋小雀

不能獲何況雉兔焉謂之無良鷹是語豈其然

湯泉行宮即事

靈境闢離宮傳鑿秋宇空庭軒靜朝旭樹石
老金風暖溜溶溶潔清波處處同心神堪澡
雪撫景興無窮

出塞雜詠用上平聲韻

雕輿繡羽颯金風曉發都城旭影紅十部簫
韶翻似海三千車騎氣如虹

邊關峯色翠芙蓉萬古隄防笑祖龍守德由
來勝守險金湯禮義是提封

靜夜離宮月在牕獨裁章奏地金缸雁鳴遠
浦傳霜信人過孤村引吠厖

塞上峯巒萬景奇笳聲傷晚譜涼伊玉臺疊
進琉璃酒瓊屋周懸虎豹皮

極北山高近紫微片雲常作雪霏霏黃羊白
鹿鋪平野好試今秋第一圍

龍沙八月似冬初獻賦長楊滿屬車宸愛楓

林新似染折來題句手親書
警蹕何勞健騎趨會同中外豈伊殊王庭園
合春風滿幔屋筵開湛露濡
漫道陳倉獲碧雞天狼一色萬頭齊蒲萄釀
酒燕支色不數江南數北鞮
鐵騎番兒雁字排霜鋒掌樣淨磨揩新豐空
有如澠酒辜負當年白鼻騮
日射高峯紫霧開驂驪羽騎菽山來鸞旗影
颺雲林外清蹕聲聲北狩迴

平明雨洗屬車塵蹀躞驂駟稱意馴濯濯烟
鬟看黛重萋萋麥壠愛青新

塞上山高截片雲常看晴雨半峰分三千色
日熊羆士十二天閑驥駟羣

青兒黃牛滿澤原欣看天餉助歸轅戍兒夜
半吹羌笛此日春風度玉門

當年勝事紀呼韓從獵爭如各部攢羊酪馬
飼都獻賫旋收歸轡別興安

時巡詎止閱邊關喜見年豐一解頰搖颺翠

華佳氣滿都中爭道六龍還

菊

苑樹蕭疎籬落斜芳留庭砌足黃花曉露沾細
雨香猶潤時過重陽色倍嘉不染纖塵紛露
葉獨餘晚艷傲霜華今年佳節途中賞欲補
新詩興轉賒

雨

連朝秋雨細閒眠倚朱欄濯蕊菊添潤梳翎
鶴畏寒鷗波猶汎濫楓葉已闌干遙想西郊

麥青針珠顆攢

題瀛臺隨安室

隨安者取其隨所遇而安之義故凡勝
地虛庭明牕淨几無不以是額其軒蓋
藉以觸目會心云耳

書室依林俯碧瀾文牕紗綠稱遐觀庭虛松
柏泛清籟坐久衣裳生峭寒觸目有懷皆遠
俗忘言何處不隨安爐烟晝永禽魚適長嘯
一聲天地寬

秋夜齋居

歸鴉噪庭樹暮色侵虛殿漏遲秋夜長幾暇
分陰羨懷古鑒興亡撫時戒安晏祇茲乾惕
衷願言終不變

九月二十八日雪次日立冬喜而有作
同雲暗空宇素雪灑宮城漸作霏霏勢徐聽
淅淅聲瑤林英乍綴麥壠綠方萌三白先冬
令稍紓望歲情

賜總督高斌之任

淮揚底定早垂勲節鉞新開紫氣分自是經
綸方藉展可知魚水正需殷人言久慶江南
雨物望應歸冀北雲保障繭絲須識取編氓
一路頌聲聞

題周鯤山水

雲峰霜葉鬪蒼紅讀易蕭齋烟靄中為問輕
舟行近遠秋波遙送一帆風

題十二月人物畫冊

正月

御製詩林卷十
春信侵尋檻外梅倚吟秉燭共徘徊輕寒不
入深庭院女伴携爐得得來
爛銀盃子上東塘繡線花
繁不讓光翠蛾無語含情
處一夜春風卜短長

二月

胭脂勻綴小桃枝別苑春和二月時鏡戶團
圓清晝永楸枰斜倚共敲碁
竹籬石迳罨窗紗逗漏春光日正賒恠底阿
香移步晚為拈紅綵悞烹茶

三月

清明時節杏花天柳岸輕垂漠漠烟
窠是春閨識風景翠翹紅袖蹴鞦韆
曲池風靜鏡澄波絲柳青輸兩鬢螺未許人
間輕比似壺中遊戲半仙娥

四月

日日韶華鬪麗新鼠姑獨殿一園春
蛾眉倚檻相看霞窠妬沉香亭畔人
天香國色兩相爭轉覺詩人費品評氣韻風

標都不讓只饒無語一般情

五月

池亭消夏坐薰風韻雜琴箏水竹同何用香
奩重拂拭綺羅人在鏡光中
翠竹陰森夏日長冰紈初試午風涼玉魚貼
體微寒切只少南方荔子嘗

六月

微風細雨柳垂絲荷菱香中語翠眉小立船
頭渾不定碧波新漲一篙時

滿湖霞錦漾微風繡袂招呼挈伴同不數麗
華誇步步春光六月綺羅叢

七月

桐軒晝靜綵針拋綠倚紅偎笑語交自是女
郎工乞巧柳州文筆漫相嘲
新秋庭院足清娛綠蔭修梧三兩株步屨溪
橋怯無力娉婷紅袖倩人扶

八月

石欄微冷透冰紗徙倚中宵玩月華環珮風

十二月

溫室重闌暖氣勻
堯家冬日是三春
寄言烹雪陶居士
漫傲銷金帳裏人
貼貼貂茸稱綠鬢
步來階雪印彎彎
粉墻屈曲重門鎖
獨共青衣一往還

冬夜寄興

素彩流牕月色涼
玉壺聲滴夜初長
篆凝細縷蘭烟紫
芳遞疎檣菊蕊黃
暫得萬幾閒裏適
莫嫌七字靜中忙
吟餘彷彿當年樂
漉雪

浮香茗嘗

日短

庭柯鳴籟急
蘿幌透寒多
室靜吟方永
牕明午又過
影颺風舞葉
流咽凍生波
珍重惜陰客
芸編好待摩

冬至齋居

對越乾乾矢素衷
更臨禋祀惕淵冲
齋宮夜永穿松漏
緹室陽回協月筩
省歲每期時不易
占年惟望雪酬豐
案

頭編簡閒披閱舊學商量慎始終

冬夜盆梅

葭管候飛灰元冥方駐節齋居温室清盆卉
屏間列消息初陽復生意枝頭泄初看蓓蕾
萌漸喜冰玉纈搖檠素影間裊篆寒芳潔化
工運鴻鑪貞元每嬾迭却欣一夕榮漫憶經
年別

遐矚樓

宇空千里近樓迥一牕虛坐久塵氛遠曠懷

寄太初

溪田圍綠野樂事在桑麻一幅幽風景凭高

玩歲華

樓在豐澤園中
康熙年間所建

涵元朔氣通松檜鏡光中南望仙壺景蓬瀛

不在東

涵元瀛臺殿名也
在豐澤園之南

雕甍煥蚪龍飛閣連雲漢芸編散古香樂此

不知倦

林空帷乍捲冰合鏡逾明登覽非娛目憑觀
萬物情

十二月十一日恭受

皇考實錄聖訓禮成陞殿受賀感成近體六

韻

金管研摩久

瑤編拜受新

聖蹤垂奕禩嘉禮值茲辰旭暖旗常影風和

殿陞春祇迎欽

陟降捧讀切遵循緬想

無為治還同造物仁步趨長有志頰首望前

塵

題刻畫伽楠香山九老圖

風疏少傅十年間結社香山共往還漫道滄
桑多變幻試看常住是香山

除夕立春

餞年兼餞臘迎春勝綵裝屏麗盤榭
獻座新餘寒退殘夜韶景入元辰應律敷陽
德還思與物均

御製詩初集卷之八

古今體一百十首

壬戌一

壬戌元旦同諸王宴乾清宮

韶律應三陽元辰福履昌展親疇伯埴明命
凜

穹蒼鳳琯春風入龍墀化日長獻榘歌有慶
行葦樂無央

古風

建極撫五辰執中御八埏望道而末由朝夕



增惕乾曩余佩古訓治理頗能言行之扞格
多乃悟實踐難克已苟未至其失已大焉如
木斯有本如水斯有源源本或有垂設施亦
徒然觸目堪警心小子其慎旃

重華協帝治闢門延英俊如茅斯拔茹賢才
乃奮迅其源苟不清所用安可信求者為虛
聲應者為干進譬珠在深淵魚目難容混譬
玉在完璞瑕瑜慎所遴履信而尚賢庶乎天
助順

天道有循環培栽而覆傾人道有損益好謙
而惡盈君子審厥幾處夷乃若驚况乎持大
寶驕滿毋或生人君惟一心干者萬計迎紀
綱苟稍紊調劑安可憑憂其所可恃懼其所
可矜善醫善計者其道良足稱

鬱儀催朱輪如駒邁隙過玩愒以消時老大
將如何云立立猶未有成成則那披卷漫流
連撫景漫吟哦願言勵初志毋為徒延俄凡
事待知悔其失亦已多

初春

柳帶鶯黃漸波流鴨綠微
輕雲時出岫暖氣欲沾衣
花信尋常候春光次第歸
東郊方待澤懶去問芳菲

見耕者

播穀當春始扶犁邁遠阡
土膏蘇大地雨澤賴蒼天
辛苦誠堪念憂勤未息肩
停鑿茲一覽興在甫田篇

次良鄉

廣陌催征騎遙天飛玉屑
潤回大地春望入雙瞳
潔宇空山勢近倏忽陰晴別
咏雪興漫豪省歲心猶切
三冬待澤久未敢遽怡悅

麥苗

新苗抽綠遠連阡生意回
蘇態自妍最愛冰鬚瓊雪
纈誰將弱線蕊珠穿
春融潤泱如沾雨日暖晴烘
欲吐煙何異幽風圖裏看
民依念永為停鞭

曉行

濃淡雲容石笋尖馬蹄踏處綠纖纖曉來遠
塢依微辨雪後輕寒料峭添未至賣錫思社
鼓却饒沽酒認村帘行吟不為耽風景夾路
桑麻取次覘

夜雨寄興

刻漏初催乙夜籌風聲漸息雨聲稠夢回行
帳牽吟興想到公田喜澤流不必綠蕉聽浙
浙却因黃幄思悠悠金吾漫苦征衫濕多少
三農卜有秋

曉雪有作

春雨寒凝雪油雲入曉濃澤流成沃壤玉積
出高峰和洽占逢歲憂勤望破冬去歲三冬
無雪待澤
正山村經歷處樂意在耕農

過拒馬河

十里瓊瑤一色白馬蹄踏碎人未惜行行策
渡拒馬河滑笏春流初弄碧亦有流漸如半
壁珠璣灑落噴灘石誰能弔古論興亡但覺
光陰如過隙此河幾度亂流過前歲今春原

不隔興來還似坐玉京豪咏心情那減昔溪
頭舴艋未易呼渡口車輿頗填積似展江干
積雪圖燕氏文貴留真蹟

晴

落日照轅門雲峰互吐吞山川欣沛澤草木
樂流暄野曠駕鷺集天空星斗繁驅車明曉
望叱犢滿平原

壬戌仲春恭謁

秦陵

松柏森霄漢雲霞護翠微
逝波驚歲月如夢
想

音徽是日瞻虛殿悲風啟玉扉

憂勤千古越奉養七年違

寶冊垂文德

上年十二月
實錄告成要荒服武威

鼎湖空白霧石馬立寒暉
閱歲苔文古當春
樹影稀重來增切切欲去更依依

恭瞻

秦陵

聖德神功碑告成感成長句
貞珉萬古護雲煙拜觀
羨墻倍愴然

謨烈昭垂千百世

憂勤想見十三年慮周暑雨祁寒際澤溥山
陬海澨邊肯構無能繩
聖武捧盈長此矢乾乾

二月六日

二月六日涑水濱馬蹄踏雪無風塵瓦神社

鼓儘隨俗柳葉杏花俱待春山色一鞭如送
客鳥聲數啖解迎人蕨芽菜甲滿畦綠景物
却羨山家新

絕句

控紫三春半批黃午夜分試問普天下誰為
無事人

春寒

輕寒料峭透氈帷把筆閒吟有所思細雨已
催新草色條風未綻舊花枝烟深遠墅樵蘇

往集言不集 卷八
静波暖荒汀鳧雁知想是東皇惜韶景勒將
春事故教遲

次黃新庄

皇太后使人賜食

夾路豔陽舒春風返轡初

頒恩來秘禁分澤逮周廬更切調甘旨還因

問

起居得知

温清適愛日樂何如

春夜聞雁

去時秋杪到時春却似相逢話舊新寒夜數
聲傳幔幄高空幾陣唳溪濱沙塘波冷思眠
月龍塞程遙欲寫人慚愧雙鴛池畔浴為謀
梁稻每羈身

新衙門行宮即事

離宮夜静剪銀釭聽罷轅門畫鼓撥書案昔
年遮莫憶詩魔今日未曾降風旛悟後馬猶
拍蕉鹿當前月滿窓消得幾餘清興永不須

花下倒春缸

題德壽寺禪房

一向悟無生不識無生理
偶來蘭若幽頗愛
禪房美松竹韻虛籟
花藥綻春蘂煙浮鼎上
雲鳥啄窓間紙敲火煮古鑪
烹茶瀝新水身心一瀟灑
未可耽乎此

春宵月下懷

庭槐漏婫娟扶踈散清影
露立春宇明潛覺
衣裳冷馬嘶野牧空鳥語
深林靜陳迹憶舊

遊曠懷對新境由來不曾隔
妙趣誰能領

春夜南苑行宮即事疊前韻

如駛年華過隙馳離宮駐節
仲春時六飛巡
幸乘韶令萬戶饑寒待體知
豈為吟詩忙裏
適每因望治靜中思幾餘
消得閒庭夜弄影
銀蟾牕外移

曾聞

曾聞一衲子幼習曹溪禪
駐錫京都寺所識
皆貂蟬羣誇梵行清自許
六度堅鬚眉皓且

蒼僧臘已有年一朝染病卧村度難期痊爰
命使持書報諸檀越人如延切見云於某某
日當示寐滅焉古有立亾者吾身豈不然至
期衆俱集相對淚湧泉法師今涅槃誰示指
月傳師云無去住努力自勉旃衆皆長跪候
白日不俄延久之期已過猶然坐法筵求死
不可得反覺生可憐嗚呼好名人覩此當悔
遷

路旁

路旁一野老呻吟一何苦鳩面步履艱單衣
百衲補試問何方人云籍隸齊魯猶憶少年
時逃荒離故土傭佃聊度歲又復病雙股問
翁業何有囊無一粒黍問翁室何有妻沒絕
男女煢煢只此身知死何處所我聞淒然悲
所悲非野父曾記周詩云君子民父母教養
違其方黎民失恃怙命醫施鍼砭或可離痛
楚白金賙其窘屋居免露處固知煦嫗仁所
愧澤未溥

陰

輕雲出遠岫白日漸韜光
 布宇勢方作為霖澤欲洩
 千畦纔甲坼萬彙正勾芒
 怕是因風散多緣望歲忙
 未曾消宿雪訝許潤新秧
 自笑心無足還期取次償

詠盆中牡丹花

亞盆初綻鼠姑芽映座濃
 添幾朶霞帘幕未招遊客
 騎芳菲待報午蜂衙不須
 富貴叢中開却愛蕭疎靜
 處嘉九十春光應護惜花
 師

莫漫翫韶華

仲春郊行

韶光次第物華撩柳線飄
 黃驛路遙不必風流諄羯
 鼓淡雲輕雨釀花朝
 膺膺平原嫩綠萌無邊詩
 景入行程金吾莫漫頻呼
 蹕野老春深正課耕
 九十青韶日漸妍不須催
 賞只須憐兒童却愛清明
 節未破花朝放紙鳶
 雨絲陣陣柳絲斜荷笠扶
 犁有幾家遮莫御

行樂言不集 卷八
園臺榭足看耕端的勝看花

讀朱子詩有傲因效其體

見獵心猶喜吟詩興欲狂工夫未精到觸處
是乖張

天理與人欲只爭一線多出此入乎彼為學
戒蹉跎

是非心豈二惟人默自斟但識知非者便是
是的心

罔念聖作狂克念狂作聖罔克慎自持其要

在居敬

居敬非虛言端為不自欺已所獨知地便是
衆知時

知得一尺時不如行一寸若教玩愒過永無
精進分

人生非孔顏誰能無過尤屢過而屢悔非以
慎厥脩

我視普天下無處可偷閑一念敬與肆人鬼
即此關

人咸秉善念常被私慮侵所以古達者孜孜
惜寸陰
寸陰誠可惜要道在躬行如其力不逮切近
惟存誠

二月望日春分

東皇幹運似持衡今歲春分分正平九十陽
和均各半短長晝夜恰相爭網軒漏永宮鶯
喚螭陛晴熏御柳榮宸是陶甄資
帝力光天萬物樂由庚

仲春經筵

旭日御階明祥風滿鳳城光春開講席廣厦
集朝英學海期全濟文樞賴共衡更尋司化
紐要道在躬行

曉寒

二月十七日作

昨朝微雨潤勾芒今日輕寒透薄裳芳苑閒
探添料峭鶯花都解勒春光

瀛臺竹木床歌

靜憇軒中橫短床不雕不斷伊誰造竹皮木

骨恰相稱詎誇華飾誇質老我聞玩物能喪
志漆器進諫明至道涓涓之水成江河其流
滌器裝七寶何如茲床樸且完安置妥貼不
歌倒松齋夜靜夢周時梧階晝永攤書好異
物不貴凜前訓用銘座右期相保

泐清院見桃花始開泛杯有作

琤琮韻裏繁枝斜纔苞錦纈遲蒸霞如是色
聲堪靜悟不必能聽倩綠苞峭寒尚切披香
殿青韶却釀泐清院天公濯垢認三生

昨日微雨

今朝恰見春風面

太液池泛舟

新水一篙深載舟猶力弱偶來弄澄碧滄浪
意可樂天空鳧雁閒波靜魴鯉躍是時春始
半夾岼天桃灼旋惹東風吹紅英貼波落韶
華固不牢長歌興所託

題庶子張鵬翀所進春林澹靄圖即用

其韻

輕抹雲嵐瀑布垂森森玉筍間疏眉詩禪畫

偈相叅處正是春林澹靄時

無須海賦詡春毛珥筆詞臣有伯高漸近清
明緣望雨何曾開宴賞天桃

只疑濃處欲生雲高下林巒疊翠文窈窕草
堂無客到一谿煙靄與平分

香案應教仙吏承丹霞門戶許誰升螭頭奏
對春風裏寫出春林亦絕勝

大地春光盡早成花花草草自舒榮品題却
倩幽人筆靜對蕭齋意轉清

吟詩不用錦囊求妙句還多趙倚樓此日金
蓮為誰撒他年佳話紀池頭

液池鳧

液池鳧乘春流灩灩錦波香葢浮浴波啣蕊
依汀洲託身喜無羅網憂不羨雲鵬萬里之
翱翔不為埒雞稻梁之仰求猶人既無卓卓
之譽亦無戚戚之愁液池鳧爾何俯仰自得
而悠悠

清明

輕暖輕寒杏酪天
緋桃綠柳鬪芳妍
殷殷午夜方祈雨
忽忽春風又禁烟
新種恰宜浸淺水
嫩苗已看茁平田
望雲未釋中心願
任取兒童放紙鳶

夢

昔在殷高宗夢帝得賢才
又聞莊周言至人無夢來
至誠能感神心馳多疑猜
吾衰因夢見因夢見吾衰
有為法皆如夢無為法亦云然
但著有無關

撥夢中說夢徒喧

桃

春風使者趨程期
瓶史月月表桃為二月花使
報道名園第一枝
無那東風忒相妬
三分塵土一分姿

即事

寒食新頒火甘霖未濯科
徒瞻雲邈爾每問夜如何
農務茲方始花期諒已過
三春多樂事繫我獨憂多

三月初四日癸亥耕藉禮成有作

日臨吉亥應農祥千畝三推典制詳帝耜勤
民風赤縣司農辨穀列青箱
覲土欣知播穀時青郊舉趾敢教遲每每南
畝分黃道獵獵春風颭彩旗
瑤壇樽俎右先農大樂雲咸考鼓鐘醜餞淵
衷邀肝饗輕雲釀雨勢方濃
綵棚高覆金犁直椽陌微聞畫鼓攄豈為清
時崇典則所期民俗化敦龐
一墾耕餘看九三庶人終畝盡東南周官法

度猶然在麟趾闕睢化却慙

耒排西側耜排東解角拖犁耜正中更聽禾
詞三十六分明物色揔幽風

三農環繞望耕臺荷笠披蓑許近來略少鳩
形將鵠面豈周水曲與山隈

由來政本重民天願祝豐年入頌箋詎止躬
耕勤穡事深宮午夜早乾乾

題陳枚孫祐金昆戴洪程志道全畫清

明上河圖

圖始於雍正六年成於乾隆二年城郭山林人物各

工其藝亦繪
林佳話云

蜀錦裝全壁吳工聚碎金數人皆江謳歌萬

井富城闕九重深盛事誠觀止遺踪借探尋

當時誇豫大此日歎徽欽

杏

胭脂勻襯曉粧紅柳冶桃天訝許同也解隔

牆思宿雨生憎映座舞輕風華林漫憶群排

宴文館先陪獨省躬醉月徵歌徒負爾年來

吟興亦飄蓬

含韻齋玉蘭花

禁火纔過賣酪時春風次第絃辛夷東皇借

得江生筆玉蘭一名木筆寫出韶光一段奇

韻入紗櫺綺思清焚香瀹茗待閒評蜂衙蝶

陣相忘處不數仙人白玉京

題瀛臺流杯亭瀑布水

戛玉復擬金飛流下十尋迴波能送酒緩溜

似調琴信可蘭亭樂依然濠濮心何須覓蓬

閣城市有山林

行樂言不集
卷八

三月二十四日題清暉閣

東皇昨夜駕歸轅蜂蝶紛紛欲黯魂乍見殘
紅飛墨沼已看新綠映朱軒菁葱似覺松篁
遜剝啄生憎鳥雀喧賸有憂懷賦雲漢更無
閒興探芳園

三月晦日

三月晦日湖上行錦帆風送朱鷺輕也舟名落
花飛絮俱無賴舞蝶遊蜂各有情鼠姑欲綻
待宿雨少女只解催曉晴九十韶光愁裏過

惜春吟罷新愁分

題周鯤山水畫

留得溪山四季青烟巒轟轟水泠泠卧遊省
識心無倦坐對方知筆有靈遠塢人家閒鹿
柴野塘路迎接橋亭依稀昨歲邊關景面面
芙蓉展盡屏

初夏

平林新綠蔭軒庭拂拂薰風透綺櫺春色已
隨愁寂寞詩情應共絮飄零政慚夏諛為侯

却製詩初集

卷八

十八

度心切周詩惠我寧欲逐雀飛飛石燕秧鉞
抽隴正含青

倣雲漢詩體敬製雩祭樂章以申誠懇
瞻彼朱鳥爰居實沈協紀辨律羽蟲徵音萬
物芸生有壬有林有事南郊陟降維欽瞻仰
昊天生物為心章一

維國有本匪民伊何維民有天匪食則那螻
蝻鳴矣平秩南訛我祀敢後我樂維和鼉鼓
泝泝童舞娑娑章二

自古在昔春郊夏雩曰惟龍見田燭朝趨盛
禮既陳

神留以愉雷師闐闐飛廉衙衙曰時雨暘利
我斯畬章三

於稼

穹宇在郊之南對越嚴恭

上帝是臨繭粟量幣用將悃忱惴惴我躬肅

肅我心六事自責仰彼桑林章四

權輿粒食實維后稷百王承之永奠邦極惟

予小子臨民無德敢懈祈年潔衷翼翼命彼
秩宗古禮是式章五

古禮是式值茲吉辰玉磬金鐘大羹維醇元
衣八列舞羽繽紛既侑

上帝亦右從神尚鑒我衷錫我康年章六

維

天可感曰惟誠恪惟農可稔曰惟力作恃

天慢人弗刈弗獲尚勤農哉服田孔樂咨爾

保介庠乃錢鎛章七

我禮既畢我誠已將風馬電車旋駕九閭山
川出雲為霖澤滂雨公及私興鋤利甿億萬
斯年農夫之慶章八

端陽日侍

皇太后觀競渡

蒲樽粽席御湖邊競渡天中自古傳艾虎乍
懸沿戶綵霓旌纔颺徹波鮮聊酬令節供
慈賞未足甘霖省徃愆日暮輕陰方釀雨簷
牙滿擬溜如泉

湯泉荷花開絕早插膽瓶中
間以芍藥甚有風致

霞剪衣裳恰五銖清和春色滿
仙壺溫泉浴罷嬌無力扶起身
邊有念奴

新蟬

舊蛻掛枝頭新蟬鳴樹杪
一般聽蟬鳴妙趣誰能曉

荷葉大於錢榴花火欲燃
高齋蝶夢醒著意聽新蟬

螳螂學捕蟬逐逐尋高柳
豈知輕薄兒挾彈隨其後

抱葉曳踈聲風翻隨葉落
旋復上高枝適然何住著

遊踈綠雨短詩少為愁多
一聲新蟬鳴始識晚春過

別院槐風細踈簾綠蔭深
借爾閒中響清予物外心

題庶子張鵬翀所進日長山靜便面即

用其韻

繪苑曾聞紀董祥
詩筌畫構可參詳
定知寐寔長安舍
素絹牋麻足幾箱
子西佳句小年時
箇裏能教日影遲
雨後清和山色好
新茶處處展槍旗
半是山僧半是農
卧聽隔嶂晚來鐘
踈籬野徻無人到
灌木叢陰綠正濃
似有嵐烟縈澹澹
如聞溪溜響摐摐
桃源不是人間世
策杖村翁眉宇厖

彷彿前生是葛三
畫禪瀟灑擅江南
大癡更挾坡仙筆
勅敵江山兩不慙
野流無定西復東
茅菴晝掩深山中
坐對身如圖畫裏
虞琴一撫南薰風
山中無地起樓臺
面面堯峯入座來
消得日長誰與共
一聲孤鶴碧雲隈
夢想華胥太古天
肯因玩物擘吟箋
幽風圖繪當年事
旰食宵衣倍體乾

散館試庶吉士賦得春蠶作繭字得成

蠶事當春月辛勤婦女咸候時鳩上下入戶
燕呢喃松火燃村舍條桑採谷巖浴川身乍
潔食葉口方饒起箔新蛾長承筐素手搽三
眠類慵懶八繭似封緘湯比抽思巧堪知為
政凡新絲還待賣慙媿著袍衫

熱

朱明遲度丹霄上萬籟無聲靜禁響暑氣生
侵玳瑁床涼颼不到文羅幌砌裂苔紋破篋
痕戶饒梅潤濕柱檠生憎蟬嘒聒耳煩况復

鳩鳴懸念想豈無沉李與浮瓜林園坐啓層
軒敞念彼公田待澤久耕犁未舉將生莽笠
底老農畏赫曦冰壺那忍獨延爽吁嗟又復
夏云半宵瞻雲漢徒首仰側聞上蒼心好生
解澤詎久遲長養扶桑湧現火輪紅夜以繼
日勞悵快錦樣三春忽忽過炎炎永晝薰風
盪何能習靜學禪師丈室安心息紛攘

鳩

小軒夏云半嘉蔭誠清絕疎簾隔塵囂翠簟

舍冰雪何來鳴鳩聲得得出林樾拂羽過春
時喚霖當夏月物各有天性人自生分別何
喜噪簷鵲何愁杜鵑血何勞布穀催何悲烏
夜咽而我聞鳩鳴亦復怡然悅卜雨慳我情
稍解心中結

夏日題瀛臺

文軒梧竹倍淒清座擁琳瑯爽自生高處近
天無暑氣人間此地是蓬萊水涵銀海月為
鏡苔點瑤階石作杵草木敷榮魚鳥適由來

物物遂生成

相馬歌賜來保

伯樂善相馬車下老驥出今豈無其人來保
稱第一曩時有黃海國朝善相馬者親授相馬術謂
不相其皮亦莫稱其力心端德自優萬中無
一失天閑雲錦羣一顧靡不忠為余辨驪黃
六飛協安吉此術固云美相人亦可則况茲
居八柱亮采汝所職勉此空冀心佐予敷九
德

致仕禮部侍郎銜內務府總管丁皂保
年九十矣朕每進宮必入朝請安矍

鑠如昔詩以賜之

舊日春卿貳清時萬石君目光猶奕奕衷赤
尚勤勤樂易故應爾忠良衆所聞泰平無戰
伐馬援漫漫從軍

未解彭佺術曾將灌絳齊林泉應樂齒珂馬
尚聞雞菊水無須井丹霞自有梯所期職植
衆難老摠眉梨

題抑齋

窓紗浸綠鳥聲頻拂拂花香戶外新座有蘭
烟文作篆壁留箏字額題銀偶然得句緣新
意長自耽書是宿因慙媿當年齋內客擘牋
煮茗一閒身

